

嘉興府志卷二十三

嘉興府知府 伊湯安 重輯

蠲卹

我

國家子惠元元如傷在抱蠲租卹災之

詔節次舉行薄海內外

恩綸溥被嘉興征緩青黃收兼紅白恭遇

翠華臨幸入疆行慶每先諸郡是用依次條舉而前代之澤及

於民者別次于後至閭閻慕義凡普濟堂同善會諸善

舉亦附著焉志蠲卹

嘉興府志

卷二十三

蠲卹一

國朝

順治二年六月二十八日欽奉

恩詔內開

一浙江等處人丁地畝錢糧及關津稅銀各運司鹽課自順治二年六月初一日起俱照前朝會計錄原額徵解凡加派遼餉練餉召買等項永行蠲免卽正額錢糧以前拖欠在民者亦盡蠲免

順治五年十一月十一日欽奉

恩詔內開

一派徵錢糧俱照萬歷年間則例天啟崇禎年加增盡行蠲



免

一軍民七十以上者許一丁侍養免其雜泛差徭八十以上給與絹一疋綿一筋米一石肉十筋九十以上者倍之

一窮民鰥寡孤獨廢疾不能自存者聽該府州縣申文撫按動支預備倉糧給養

一各處養濟院收養鰥寡孤獨及殘疾無告之人有司畱心舉行月糧依時發給無致失所

順治十年戶部覆准浙江各屬旱災八分九分十分者免十分之三五六七分者免十分之二四分者免十分之

一有漕糧州縣衛所准令改折

嘉興府志

卷二十三 蠲卹一

二

順治十二年六月二十二日欽奉

恩詔內開

一順治六七兩年地畝人丁本折錢糧拖欠在民者悉與豁免

順治十二年戶部覆准令各省地方官照京師例設廠煮粥以救饑民

順治十三年十二月二十五日欽奉

恩詔內開

一順治八九兩年地畝人丁本折錢糧該督撫確察果係拖欠在民者具奏豁免

順治十四年三月初十日欽奉

恩詔內開

一貧民失業流落各地方官有能賑卹全活五百人以上者
核實紀錄千人以上者卽與題請加級其有鄉宦富民尙義
出粟全活貧民百人以上者該地方官核實具奏分別旌勸
順治十五年正月初三日欽奉

恩詔內開

一順治十十一兩年地畝人丁本折錢糧該撫按確察果係
拖欠在民者具奏豁免

順治十七年正月二十五日欽奉

嘉興府志

卷二十三

蠲卹一

三

恩詔內開

一順治十六年以前直省拖欠錢糧差廉幹滿官前往清查
果係拖欠在民俱與蠲免

順治十八年正月初九日欽奉

恩詔內開

一軍民年七十以上者許一丁侍養免其雜泛差役八十以
上者給與絹一疋綿一觔米一石肉十觔九十以上者倍之
康熙三年六月欽奉

恩詔內開

一直省順治十五年以前拖欠銀米等項錢糧槩行蠲免

康熙四年三月初五日欽奉

恩詔內開

一直省順治十六十七十八年各項舊欠錢糧著照蠲免十五年以前錢糧一體蠲免其鹽課積逋催徵不得者著察明亦准酌量蠲免

康熙八年十一月二十五日欽奉

恩詔內開

一康熙元二三年各直省地丁正項銀糧拖欠在民不能完納者該督撫察明奏請豁免

一罰贖積穀原以備賑冬月嚴寒恐鰥寡孤獨無以為生者

嘉興府志

卷二十三

蠲卹一

四

著各省督撫奏令有司將積穀酌量賑濟

一各處養濟院所存鰥寡孤獨及殘疾無告之人有司留心以時養贍無致失所

康熙九年戶部覆准嘉湖被災漕白折徵耗米及贈貼錢糧俱行免徵

康熙十二年戶部覆准浙省被災州縣許以秬米兌運

康熙二十年十二月二十日欽奉

恩詔內開

一康熙十七年以前民欠錢糧稅銀及帶徵該督撫查明保題到日豁免

康熙二十三年九月二十四日欽奉

恩詔內開

一江南浙江江西湖廣省分自用兵以來供應繁苦宜加恩恤康熙二十四年所運漕糧著免三分之一
一自康熙十三年起至二十二年拖欠漕項錢糧著自康熙二十三年每年帶徵一年以免小民一時並徵之累

康熙二十七年十月二十三日欽奉

恩詔內開

一浙江康熙二十八年應徵地丁各項錢糧俱著蠲免
一軍民七十以上者許一丁侍養免其雜派差役八十以上

嘉興府志

卷二十三

蠲卹一

五

者給與絹一疋綿一觔米一石肉十觔九十以上者倍之
一各處養濟院所有鰥寡孤獨及殘疾無告之人有司留心以時養贍無致失所

康熙三十年十二月奉

上諭朕撫御寰區三十年以來早夜圖維惟以愛育蒼生俾咸臻安阜為念比歲各省額征錢糧業已次第蠲豁其歲運漕米向來未經議免應將起運漕糧逐省蠲免以紓民力除河南省明歲漕糧已頒諭免徵外湖廣江西浙江江蘇安徽山東應輸漕米著自康熙三十一年始以次各蠲免一年

康熙三十二年九月奉

上諭江浙二省今年夏旱雖不成災秋收諒必有限若漕糧照常徵收恐民食將至匱乏其浙江漕糧改于今年蠲免

康熙三十八年三月二十六日戶部奉

上諭朕以省方間俗巡歷三吳比至浙省見緣路農桑固徧隴畝而地有肥磽時有豐歉歷年正供錢糧因輸納維難致多逋負雖已准分年帶徵而新舊之賦取給于一時恐力作之民終難兼辦應通行蠲豁以宏庥澤除康熙三十三年以前恩詔赦免外其三十四五六年民欠地丁錢糧米豆麥雜稅著一概免徵爾部行文該督撫責令有司悉心奉行務俾均霑實惠此諭

嘉興府志

卷二十三

蠲卹一

六

康熙四十二年三月十八日欽奉

恩詔內開

一軍民年七十以上者許一丁侍養免其雜泛差役八十以上者給與絹一疋綿一觔米一石肉十觔九十以上者倍之百歲者題明給與建坊銀兩
一各處養濟院所存鰥寡孤獨及殘疾無告之人有司畱心以時養贍毋致失所

康熙四十三年十月初七日戶部奉

上諭朕昨歲南巡至浙江見其農桑徧野戶口蕃殖閭閻氣象較勝于三十八年巡幸之時甚爲心慰浙省錢糧雖前此屢

經蠲貸而朕車駕經臨應更敷恩寬恤俾民生益加充裕所
有康熙四十四年浙江通省應徵地丁銀米等項除漕糧外
著俱行蠲免無負朝廷殷殷愛養賜租給復之至意特諭

康熙四十五年十月奉

上諭朕子育黎元日求所以休養利濟之道直隸各省錢糧次
第全蠲一年者業經數舉獨是歷歲逋負積累加增舊稅新
徵民力仍多拮据其江蘇浙江江西山西等省自康熙四十
三年以前未完地丁銀糧著按數通行豁免特諭

康熙四十六年十一月初二日戶部奉

上諭浙江地方賦役殷繁倍於他省朕屢經巡歷時切軫懷比

嘉興府志

卷二十三

蠲卹一

七

年以來業已節次敷恩頻行蠲貸頃因兩省偶被旱災隨命
按數減徵豁免漕欠並分截本年漕糧令該督撫親往散賑
猶念民間素鮮儲蓄生計不充非更加格外滋培則荒歉之
餘未能彌臻康阜茲特再施膏澤用宏休養康熙四十七年
江南浙江通省人丁其額徵銀六十九萬七千七百餘兩著
悉與蠲免特諭

康熙四十七年十月十六日戶部奉

上諭朕屢次南巡見閭閻殷阜之象遠不逮於舊時雖不時蠲
免額賦停徵積逋僅可支吾卒歲絕無餘積朕每念及此未
嘗不爲惻然去年江南浙江二省俱被旱荒多方軫恤始蘇

民困迄今歲復報潦傷旋經照例蠲賑並下詔書畱漕康熙四十八年除漕米外江南通省地丁銀四百七十五萬四百兩有奇浙江通省地丁銀二百七十五萬七千兩有奇著全行蠲免所有舊欠帶徵銀米仍暫停追取此朕因江浙二省爲東南重地特於格外施行用宏休養之至意該督撫各飭有司張示遍諭務令窮鄉蔀屋咸知共悉特諭

康熙四十九年十月初三日戶部奉

上諭朕思民爲邦本勤卹爲先政在養民蠲租爲急數十年來除水旱災傷例應豁免外其直省錢糧次第通蠲一年者屢經舉行更有一年蠲及數省連蠲數年者前後蠲除之數據

嘉興府志

卷二十三 蠲卹一

八

戶部奏稱通共會計已逾萬萬明年爲康熙五十年思再沛大恩以及吾民原欲將天下錢糧一槩蠲免因大臣集議恐各處需用兵餉撥解之際兵民驛遞益致煩苦細加籌畫悉以奏聞故自明年始於三年以內通免一周俾遠近均霑德澤直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百廿二萬六千一百兩有奇應徵人丁銀共一百一十五萬一千兩有奇俱著察明全免并歷年舊欠共一百一十八萬五千四百兩有奇亦俱免徵地方大吏誠克體朕孳孳保赤之懷實心愛養閭閻咸得衣食滋殖無有失所豈非昇平樂利

之盛事歟爾部移文各督撫諭旨到日卽刊刻頒布徧示窮
簷令咸知悉特諭

康熙五十二年三月十八日欽奉

恩詔內開

一海宇承平已久戶口日繁地畝並未加增宜施寬大之恩
其享恬熙之樂嗣後直隸及各省地方官遇編審之期察出
增益人丁止將實數另造清冊奏聞其徵收錢糧但據康熙
五十年丁冊定爲常額續增人丁永不加賦用副朕休養生
息之至意

一天下地丁錢糧旣沛恩澤于三年內悉予豁免其自京城
嘉興府志

卷二十三

蠲卹一

九

及各省房地租稅多係貧民賃僦官地棲身營業宜併蠲恤
以覃恩惠著察明京城內併各省每年地租額數于康熙五
十三年豁免一年其歷年逋欠若干一併察明免其追補
康熙五十八年十二月奉

上諭數十年來各省正賦屢經全免歷年積欠亦已蠲徵偶有
雨澤愆期或發倉廩散給或截漕糧賑救不惜億萬金錢米
穀頻沛恩施近民力稍紓然念分年帶徵則小民一歲所獲
分納二年之賦斷難充裕宜更加殊恩通行豁免今將直隸
江蘇浙江江西等八處帶徵地丁屯衛銀二百三十餘萬兩
槩免徵收其漕項雖例不准免亦著格外施恩用稱朕撫恤

羣黎至意

康熙六十一年十一月二十日欽奉

恩詔內開

一各省民欠錢糧著該部查明具奏其年久應免者候旨豁免

一軍民年七十以上者許一丁侍養免其雜泛差使八十以上者給與絹一疋綿一觔肉十觔九十以上者倍之

雍正元年九月初五日欽奉

恩詔內開

一地方災傷已經查勘蠲免賦役者有司不遵仍行濫派及

嘉興府志

卷二十三

蠲卹一

十

但免有力之家致窮民不沾實惠者事發決不饒恕

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

一各處養濟院所有鰥寡孤獨及殘疾無告之人有司留心以時養贍毋致失所

是年十一月奉

上諭浙省偶值秋旱被災地方已經蠲免錢糧令有司加意撫綏查杭嘉湖所屬十四州縣應徵漕米三十二萬石今荒歉之歲民間納米爲難著令徵收一半改折一半旣可以濟民

之食又可以紓民之力其改折之價著照康熙九年例每石折銀一兩完交其應徵漕米十六萬米包或未能純一著令紅白兼收以示朕軫恤地方格外施仁之至意特諭

雍正二年九月奉

上諭浙江江南沿海地方七月十八九等日海潮泛溢近海田禾不無損壞朕軫念災黎惟恐失所業經嚴飭各省督撫發倉賑濟多方撫卹但蘇松杭嘉等府人稠地狹向來出米無多雖豐年亦仰給於湖廣江西及就近隣省今沿海被災恐將來米價騰貴小民艱食著動湖廣司庫銀買米十萬石江西司庫銀買米六萬石運交浙江巡撫平糶動湖南司庫銀

嘉興府志

卷二十三

蠲卹一

十一

買米四萬石山東司庫銀買米六萬石安慶司庫銀買米五萬石運交蘇州巡撫平糶俱著速卽辦理選委賢幹廉員陸續運送平糶銀兩仍移還補庫其米應於何地交卸湖廣江西督撫卽咨會浙江巡撫湖南山東安徽巡撫卽咨會蘇州巡撫酌議速行務於蘇松杭嘉四府民人有益毋得怠緩遲誤

雍正四年十月戶部爲彙報杭嘉湖府屬雨水情形等事覆准浙江仁和錢塘石門安吉歸安烏程長興武康等九州縣被災田畝應蠲免銀三萬三千五十八兩零照例蠲免至被災地方新舊應徵錢糧俱緩至來年麥熟

後徵收仍動存倉米穀按明戶口散賑

是年十一月戶部咨覆浙江巡撫李衛奏稱浙江杭嘉湖三府屬之仁錢等十州縣一所其中地勢窪下者於本年八月初七八等日陰雨連綿緣太湖等處水洩不及以致低田被淹今據各地方里民呈稱漕糧爲數甚多今秋田禾正值開花結秀之時水浸已久低處稻旣無收高處米色亦不能佳難輸正供若欲遠方買糶不但民力艱難且恐致悞冬開漕限懇爲題請仍照雍正元年改折一半每石交銀一兩并桂紅白兼收之例庶得勉力措納臣細加確查此十州縣一所內除餘杭縣旋卽水退勘不成災並湖州一所例無徵納漕糧外其餘九州縣高田尙可收成惟低窪被災傷重以通縣計之不過十分之一二三四分不等若將實在災田應納漕米改折爲數無多但平地禾苗亦經水浸卽高處有收之田其米亦皆青腰白臍溼潤細碎民間日用則可若以之完漕州縣不敢收倉旗丁不肯受兌倘責令買糶實有艱難可否仰邀

皇仁照雍正元年之例懇將成災低田漕糧每石仍舊折徵銀

一兩其餘被水州縣今年漕米暫令紅白兼收尖圓並納則于漕糧無虧而小民感戴

天恩實同覆載矣奉

旨著照該撫所請行

是年是月奉

上諭浙江通省舊欠錢糧一百餘萬兩朕已加恩允撫臣李衛之請分作七年帶徵以紓民力該省民人自應感戴朕恩如期完納

雍正五年二月戶部爲彙報杭嘉湖府屬雨水情形等事議覆浙江巡撫李衛疏稱仁和等九州縣一所田畝被淹仰蒙

皇恩賑濟臣查現在被災里民近今猶有殘粒浥米可以餬口

嘉興府志

卷二十三

蠲卹一

十三

惟至來年二三月間青黃不接之際實屬艱難伏念發賑原以濟急當現在稍可自濟之時暫緩散給畱至過歲二月前後求食艱難之日散賑使之實得藉以餬口一轉移間先後緩急似爲得宜等因前來查仁和等州縣所被災里民該撫旣稱現在稍可自濟暫緩散給應令該撫俟青黃不接之時出示曉諭照例按日散賑務使正實災民均沾實惠可也奉

旨依議

是年是月初九日奉

上諭浙江杭嘉湖三府上年秋冬之間雨水稍多收成畧覺歉

薄今年青黃不接之時已令地方官商酌平糶以濟民食但念米價雖不至昂貴而無力窮苦之民本無糴米之資甚屬可憫著動用庫銀四萬兩令巡撫李衛會同將軍鄂彌達觀風整俗使王國棟悉心商酌於地方或開濬河道或修理城垣堤岸令小民就近傭工藉以餬口倘四萬金尙不敷用著李衛等再行具奏請

是年九月十二日奉

上諭朕聞浙江近水之地數處被水軫念窮民朕懷殷切著浙江巡撫李衛動用庫銀一萬於應用之處散賑令窮民均沾實惠該部知道

嘉興府志

卷二十三

蠲卹一

十四

是年十月二十七日奉

上諭朕御極以來愛養黎元勤求治理各省錢糧耗羨原非應有本欲悉行革除因廣爲諮詢畱心體察知州縣官員實有必不得已之用度若將耗羨盡行禁止在廉謹之員實難支持而貪污不肖之徒勢必藉口無以養廉恣意苛索百姓轉受其累是以錢糧之有火耗由來已久各處皆有相沿之例其數亦多寡不同惟應于火耗過重之員重治其罪若有司官酌量收納不加重苛取於民小民亦覺相安此各省之大勢也查各省之中賦稅最多者莫如江南之蘇松二府浙江之嘉湖兩府每府多至數十萬地方百姓未免艱於輸將其

賦稅加重之由始於明初洪武時四府之人爲張士誠固守故平定之後籍諸富民之田以爲官田按私租爲稅額夫負固之罪在士誠一人而乃歸咎於百姓加其稅賦此洪武之苛政也有明二百餘年減復不一我朝定鼎以來亦照明例徵收蓋因陸續辦理軍需經費所在未便遽行裁減我

皇考聖祖仁皇帝常論及此雍正三年朕仰體

皇考多年寬賦之

聖心將蘇松二府額徵浮糧豁免彼時頒發諭旨甚明本欲一體加恩於嘉湖二府因浙江風俗澆漓正須化導不便啟其望恩倖澤之心故爾暫止今見浙俗漸次轉移改而遷善朕

嘉興府志

卷二十三

蠲卹一

十五

心深慰用沛恩膏查嘉興府額徵銀四十七萬二千九百餘兩湖州府額徵銀三十九萬九千九百餘兩俱著減十分之一二府其免銀八萬七千二百兩有奇永著爲例

是年十一月戶部爲彙報偏災等事覆准浙江仁和錢塘餘杭臨安新城安吉長興武康德清鄞十州縣并杭州前右二衛本年七月間山水暴漲被淹田畝應免銀一萬四千六百五十九兩三錢零又石壓水衝成溪田畝應免無徵銀三十八兩九錢零米二十二石五斗零應照例蠲免其本年應徵錢糧緩至雍正六年麥熟後催徵至漕米照浙省支給運丁行糧例每石以一兩二錢

折徵完報

雍正六年十月奉

上諭向來江浙收兌漕糧俱用本地粳米擇其乾圓潔淨者方准交納遇收成稍薄之年該督撫每以紅白兼收爲請朕皆允行夫米糧乾潔皆可久貯原不在色之紅白江浙二省戶口繁多每年應納漕糧將及四百萬石若必拘定本地粳米恐米價昂貴民間難於輸將嗣後江浙徵收漕米但擇乾圓潔淨不必較論米色准令紅白兼收秬粳並納著爲例欽此
雍正七年二月奉

上諭據欽差浙江清查錢糧之大臣性桂摺奏浙省雍正二年嘉興府志

卷二十三

蠲卹一

十六

以前未完舊欠錢糧帶徵每年應完銀十五萬兩有零查雍正五年六年應完之項已於本年如數完納又雍正三年至五年未完之錢糧二十七萬餘兩於雍正六年之內已完四十餘萬兩其餘在奏銷以前大約可以全完民情感戴國恩踴躍輸納正賦等語浙江爲財賦重地民力輸將朕所軫念其所舊欠錢糧非不欲加恩豁免祇以屢年未完之項乃頑戶之所拖欠若以抗正供而霑膏澤則頑民獲利而良善轉未邀恩非所以化導人心風俗也今浙省紳士庶民咸能知朕教養之殷懷感朕訓誨之至意卽此踴躍完糧一事可以見其感恩遷善之誠朕實爲浙省之士民風俗稱慶非重此

數十萬之國帑也浙省因總督李衛正已率屬勸懲兼施實心任事故能令地方革薄從忠如此然其嚮善之速該省之人亦甚屬可嘉用是特沛鴻恩將雍正七年額徵地丁屯餉錢糧蠲免十分之二共計六十萬兩著李衛轉飭各屬恪遵奉行務使閭閻均沾實惠並將朕加恩獎善之意通行宣諭俾遠鄉僻壤咸共知悉

雍正九年十一月十一日欽奉

上諭浙江嘉興府屬七縣並杭州府屬之海寧一縣小有蟲災本年應完漕米照雍正元年例每石折徵銀一兩

雍正十一年五月浙江總督管巡撫事臣程元章爲陳奏

嘉興府志

卷二十三

蠲卹一

十七

事查嘉興府屬之石門桐鄉湖州府屬之歸安烏程等縣於雍正十年九月初九日偶被冰雹打傷田禾查勘被災情形請動支備公銀兩賑恤蒙

聖恩俞允欽遵在案除石門一縣據該縣勘明被雹較輕小民尚可謀食毋庸賑恤外其桐鄉歸安烏程三縣被雹貧民委員會同地方官逐戶查明實在乏食名口飭令每大口賑銀三錢小口賑銀一錢五分共賑過貧民大口一萬五千四百八十八名口小口三千五百八十五名口共賑銀五千一百八十四兩一錢五分俱於備公銀內動支給發相應取具冊結題銷奉

旨該部察核具奏

是年十月奉

上諭浙江杭嘉湖三府上年偶被水災兼以飛蝗傷稼朕特沛恩施將應完漕米分年帶徵發帑賑恤黎民不致失所惟是本地所產米石不敷食用現今年歲雖獲豐收而上年借糶倉穀恐一時未能買補足數明歲青黃不接時尙須米石酌撥平糶以濟民食不可不預爲籌備著將杭嘉二府屬本年額徵漕米各截留五萬石存貯備用照部定折價改徵銀兩解部著該督嚴飭地方官實力奉行無得縱役需索以仰副朕加惠黎民至意

嘉興府志

卷二十三

蠲卹一

六

雍正十三年九月初三日欽奉

恩詔內開

一各省民欠錢糧係十年以上者著該部查明具奏候旨豁免

一軍民年七十以上者許一丁侍養免其雜泛差役八十以上者給與絹一疋綿一觔米一石肉十觔九十以上者倍之是年十月初七日欽奉

上諭豁免雍正十三年以前民欠漕項蘆課學租雜稅等銀並令嗣後遇有

恩詔俱將各項入於豁免之內永著爲令

是年十一月十二日欽奉

恩詔內開

一各處養濟院所有一鰥寡孤獨殘疾無告之人有司留心養贍毋致失所

是年十一月二十一日欽奉

恩詔內開

一直隸各省婦女年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

是年十二月初八日戶部奉

嘉興府志

卷二十三

蠲卹一

十九

上諭向來漕項銀兩不在蠲免之例朕前已降旨特行豁免以紓民力今查各省尙有帶徵漕米原應如期輸納但民間已完現年漕米又完先年畱米民力未免艱難著該部傳諭辦漕各省督撫等將雍正十二年以前未完帶徵緩徵本色改折米銀逐一查明奏聞豁免欽此

乾隆七年八月十二日奉

上諭御極以來愛養黎元于蠲免正賦之外復將雍正十三年以前各省積欠陸續豁免以息民間追呼之擾今查雍正十三年正月起至十二月悉行豁免再查江浙兩省尙有雍正十三年未完漕項銀七萬一千二百七十兩零米二萬九百

四十九石零麥四千三十七石零荳一百八十五石零向來漕項不在豁免之例今既蠲除各項著將漕項一體免徵欽此

乾隆十一年正月初四日奉

上諭朕愛育黎元格外加恩將各省錢糧普免一次以爲休養萬民之計經大臣等酌議國家每年一定之經費皆取資于正賦應將各省分作三年蠲免則經費有賴而先後之間萬民均沾膏澤至於耗羨乃有司養廉及辦理公務之所必需應令照舊輸納朕已允行朕之逾格蠲免天下正賦者所以藏富于民且使閭閻之間終歲不聞催科之擾也今正賦旣嘉興府志

卷二十三

蠲卹一

二十

蠲而耗羨又令完納是官民仍有交關猶不免有追呼之擾若將蠲賦之年應徵耗羨一併緩至開徵之年按欵完納使小民于交官之便完此些須不必兩次伺候于公庭亦體恤民情之意著該部卽遵諭行並將公用不敷之處作何撥抵酌議辦理各省督撫當董率有司善爲之勿因此又別生弊端也欽此

乾隆十五年正月初二日奉

上諭各省耗羨銀兩以備地方一切公用向因漫無稽考是以條列章程該部歲杪察核朕思有正供而後有耗羨羨非正供可比其未完之項雖應一體催徵但輸將不無拮据朕巡

幸所至地方應酌量加恩以紓民力直隸屢經巡歷今春暨秋清蹕五臺命駕河汴明歲卽當南幸江浙山東亦所必經所有耗羨內直隸山西河南浙江四省未完銀兩全行蠲免江蘇安徽山東三省未完銀兩蠲免十分之六著該督撫確查實數毋令吏胥借端那抵正耗混淆暗行侵蝕倘有朦混滋弊卽行叅奏從重治罪上司稍有徇隱一併嚴加議處務使閭閻均沾實惠以普恩膏欽此欽遵

乾隆十六年正月初二日奉

上諭朕巡幸江浙問俗省方廣沛恩膏聿昭慶典更念東南貢賦甲于他省其歷年積欠錢糧雖准地方大吏所請分別帶

嘉興府志

卷二十三

蠲卹一

三

緩以紓民力而每年新舊並徵小民終未免拮据朕宵旰勤勞如傷在抱茲當翠華新蒞倍深軫切用普均沾之澤以慰望幸之忱著將元年至乾隆十三年江蘇積欠地丁二百二十八萬餘兩安徽積欠地丁三十萬五千餘兩悉行蠲免其浙江省雖額賦畧少于江蘇而積年以來並無積欠豈犬牙相錯之地不齊乃至是歟此具見浙省官民敬事急公之義而江蘇官民所宜懷慚而效法者也朕甚嘉焉著將本年應徵地丁錢糧蠲免三十萬兩以示鼓勵將此通行曉諭知之欽此

乾隆二十二年正月初二日內閣奉

上諭今春朕恭奉

皇太后鑾輿臨浙問俗省方行慶施惠而東南黎庶望幸惟殷茲當翠華發軔之初宜沛渥恩用昭盛典乾隆十六年肇舉南巡會頒恩諭將江蘇安徽十三年以前積欠地丁悉行蠲免浙省因無積欠特免應徵地丁三十萬兩以示鼓勵亦欲思愷澤覃敷官無呈誤民免追呼其享昇平之福乃邇年來江浙間被偏災其積欠未完之數又復不少雖惟正之供歲有常經不宜任其逋欠然天時之不齊亦非盡小民之過也該二省去歲秋成豐稔糧價平賤據地方大吏陳奏並清問所及民康物阜井里恬熙朕心實爲忻慰但閭閻蓋藏時厯嘉興府志

卷二十三

蠲卹一

三

宵旰若令新舊並輸于民力未免拮据著將江蘇安徽浙江乾隆廿一年以前積欠未完地丁銀兩概予蠲免該督撫其嚴飭所屬實力奉行毋令吏胥侵蝕務俾恩膏普逮實惠均沾稱朕懷保黎元至意該部卽遵諭欽此

是年二月初一日奉

上諭朕稽古省方載臨江浙將以勤求民隱廣沛恩膏是以啟鑿之先卽經降旨將該二省乾隆二十一年以前積欠悉行豁免而時當春令東作方興水陸經行一切除道挽舟雖皆按丁給直然終未免有需民力入疆伊始軫念方殷所有江南浙江經過各州縣地方本年應徵地丁銀兩俱著加恩蠲

免十分之三此內或有去秋被水歉收者蠲免十分之五該督撫等其飭屬查明實力奉行稱朕加惠黎元之意欽此

是年三月初一日內閣奉

上諭江浙二省積欠地丁銀兩前已有旨豁免而浙江所免獨少足見黎庶素屬急公今巡省莅止因命悉查各項尙有乾隆十八十九二十年各屬未完緩徵及蠲剩漕項銀十八萬九千餘兩二十年分杭嘉湖紹四府屬縣場未完借欠籽本銀三萬七千八百餘兩十八二十年分各衛所未完屯餉銀六千四百餘兩並海寧縣未完沙地公租銀二千餘兩著加恩概行豁免該督撫等其董率屬員實力奉行毋令胥役里長侵蝕中飽副朕曲體惠鮮之至意欽此

嘉興府志

卷二十三

蠲卹一

三

乾隆二十七年正月初二日奉

上諭今春朕恭奉

皇太后鑾輿巡省江浙取道閱視河工海塘與封疆大臣講求吏治民生諸要務念昨冬恭逢

慈恩覃被之餘正東南士民望幸情殷之候翠華所過宜沛隆施益光

慶典著將江蘇安徽浙江三省自乾隆二十二年起至二十六年止所有節年災田緩徵及未完地丁各欠項照二十二年例概予蠲免該督撫等其嚴飭所屬悉心核實奉行俾閭閻

膏澤均沾毋致吏胥中飽副朕錫類推恩至意該部遵諭速行欽此

是年二月初四日內閣奉

上諭朕恭奉

皇太后鑾輿巡省江浙前已特頒恩旨將該二省積欠地丁全行豁免茲入疆伊始慶澤宜行所有江南浙江水陸經過地方本年應徵額賦俱著加恩蠲免十分之三此內或有去秋被水歉收者蠲免十分之五該督撫等其董率屬員實力奉行稱朕子惠黎元至意該部遵諭速行欽此

乾隆二十九年九月二十五日內閣奉

嘉興府志

卷二十三

蠲卹一

二

上諭朕明春恭奉

皇太后聖駕南巡著照從前之例于江浙二省冬兌漕糧內各截留十萬石在水陸駐蹕地方分廠平糶卽令漕運總督及該督撫妥協辦理該部遵諭速行欽此

乾隆三十年正月初二日內閣奉

上諭今春朕恭奉

皇太后安輿四省江浙東南黎庶望幸情殷宜布渥恩用光盛典前次三經臨幸恩旨疊頒所有江南省積欠地丁等項蠲免至二百餘萬維時地方大吏率多遵循舊例例所應蠲者不論災熟積欠並予豁除而于因災緩帶之項其中有例不

准蠲者轉未獲一體邀恩于情理未爲允協因思成熟地畝當年出產本豐自不難踴躍輸將年清年款其陳積未完者實不免預覲恩膏有心觀望若因災停緩之糧勢由歲歉不齊致滋逋負初非玩戶抗延之比今翠華所過慶典聿修而此等薄海窮黎未蒙渥澤朕心深爲軫念著加恩將江蘇安徽乾隆二十五年以前節年因災未完蠲剩河驛俸工等款並二十六七八三年因災未完地丁河驛等款以及二十八年以前節年因災未完漕項暨因災出借籽種口糧民借備築堤堰等銀一百四十三萬餘兩又籽種口糧內米麥豆穀十一萬三千餘石概予蠲免至浙江一省額賦本較江南爲嘉興府志

卷二十三 蠲卹一

三

少其積欠亦屬無多著將乾隆二十六七八三年因災未完地丁銀兩並二十七年屯餉沙地公租二十六七兩年未完漕項等銀一十三萬二千五百餘兩又二十八年借給籽本穀一萬三千七百餘石加恩悉行蠲免以均惠愷該督撫等其董率所屬實力詳查妥協副朕嘉予元元至意倘有不肖胥吏從中舞弊影射侵漁察出卽與嚴叅從重治罪該部遵諭速行欽此

是年閏二月初三日內閣奉

上諭朕巡幸江浙啟鑾之初降旨將江浙二省累年積欠銀糧全數豁除而浙省所免之數較之江省尙少茲當入疆伊始

疇咨民瘼該省尚有未完款項著再加恩將浙江省乾隆二十
十六七八等年積欠未完漕項及仁和袁浦等場未完竈課
銀一萬八千六百餘兩二十四六七八等年因災緩帶積欠
未完南米及借給各場竈戶倉米一萬八千九百餘石概行
蠲免該督撫等其率屬實力奉行務俾恩膏下逮稱朕惠愛
黎元至意該部遵諭速行欽此

是年是月初四日奉

上諭江浙水陸經過地方本年應徵額賦加恩蠲免十分之三
杭州府屬附郭諸縣額徵地丁全行蠲免又浙省乾隆二十
四六七八等年未完竈課漕項錢糧暨緩帶未完南米及借
給竈戶倉米并借給農民倉穀緩徵租穀并二十七年屯餉
沙地公租概行蠲免欽此

同日奉

上諭朕翠華南幸始蒞浙境念該省所免積欠較江省獨少且
于未奉恩旨以前復有續完之項民情可謂急公因命悉查
積年未完各項無論于例應蠲與否盡予豁除以紓民力至
清蹕所經前已降旨蠲本年正賦十分之三昨巡歷江省復
念淮徐各屬地瘠民貧江淮以南人知愛戴凡水陸經行州
縣加免十分之五浙省雖郵頓無多而除道清塵亦足徵閭
閻歡感兩省俱係赤子誠求懷保厥視惟均著加恩將浙江

嘉興府志

卷二十三

蠲卹一

三

經過地方本年應徵錢糧概免十分之五俾羣黎普沾膏澤
益慶阜恬副朕入疆施惠至意該部遵諭速行欽此

乾隆三十一年正月初二日內閣奉

上諭朕統御萬方孜孜求治惟以愛育黎元爲念自御極以來
蠲賜所逮不下千億萬乾隆十年間恭依

皇祖普免浙省錢糧恩例蠲免天下額徵正賦二千八百萬有
奇期斯民家給人足咸臻樂利惟歲運漕米向以供給兵餉
廩糈之用非水旱特蠲例不普免夫八政以食爲先閭閻蓋
藏尤資饒裕恭閱

皇祖實錄康熙三十年

嘉興府志

卷二十三

蠲卹一

三

特頒恩旨將各省起運漕糧通行蠲免一週大澤均沾慶逾常
格仰惟

皇祖沖齡踐阼臨御之三十年春秋未及四十朕年二十有五
始登大寶膺祺受祉迄今亦閱三十年際重熙累洽之會必
世昌期均符泰運其爲慶幸倍深茲荷蒙

上天眷佑

列聖鴻庥函夏謐寧疆宇式闢北庭西域二萬餘里咸隸版圖
外有耕屯之穫內無餽餉之勞且連歲年穀順成庶物豐殖
京通倉貯儘有餘粟

天旣誕貽樂歲惠洽昇平朕自當仰體

天心以推恩黎庶是用敬承嘉貺懋繼

前謨使薄海億兆並裕倉箱之慶所有湖廣江西浙江江蘇安徽河南山東應輸漕米著照康熙年間之例子乾隆三十一年為始按年分省通行蠲免一次其江寧京口杭州荊州等處駐防地方該省漕米既蠲所有例需兵食如何預為籌辦並各該省蠲免次第應行酌辦各事宜著該部速行定議具奏欽此

是年正月初四日奉

上諭前經降旨將各省漕糧分年普免一次期使海宇黎元均霑闡澤但聞漕糧款內尚有例徵折色及民戶等銀官為辦漕者雖徵收銀米不同其為按田起漕之例則一也若仍令其照漕項一例輸將不得與交納本色民戶并邀曠典未免獨切向隅著再申諭辦漕各省州縣內有徵收折色者一體概予蠲免督撫等務董率所屬實力經理再行明白曉諭毋使胥吏藉名滋弊副朕嘉惠閭閻普施膏渥至意該部遵諭速行欽此

乾隆三十五年正月元旦日內閣奉

上諭朕寅承丕緒撫有萬方申旦求衣無日不以勤恤民依為念是以勸農省歲減賦道徵不靳多費帑金靳閭閻其臻康阜朔在乾隆十一年丙寅朕御宇周旬肇敷闡澤會恭依

皇祖普免天下錢糧恩例蠲除直省額徵正賦二千八百萬兩有奇越在三十一年丙戌際當必世興仁益惟比戶饒裕是計復下詔將應徵漕米省分照康熙年例概蠲一次俾各倉箱盈衍倍積耕餘邇年以來寰宇乂寧民氣和樂惟

上天孚佑我邦家游錫康年朕祇膺

昊蒼鴻眷其可不究澤推仁以與我海內元元荅茲

嘉貺我國家席全盛之模內外經費度支有盈無缺府庫所貯月羨歲增因思天地止此生財之數不在上卽在下與其多聚左藏無寧使茅簷蔀屋自爲流通迺者仰紹

列祖貽庥化成熙洽爲民藏富欣際斯辰且今年爲朕六十誕

嘉興府志

卷二十三

蠲卹一

三

辰明歲恭逢

聖母八旬萬壽普天忭祝慶洽頻年尤從來史冊未有是宜更沛非常之恩以協

天心而彰國慶茲因乘春頒令誕布陽和著自乾隆三十五年爲始將各省應徵錢糧通行蠲免一次其如何分年遞蠲之處著大學士會同該部卽速詳議具奏欽此

乾隆四十三年正月二十四日奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再溥恩施一次茲者
仙馭升遐此後更無可推廣

慈仁之處現在部庫帑項又積至七千餘萬著再加恩自戊戌
年爲始普蠲天下錢糧仍分三年輪免俾寰宇億兆人民仍
得其被

慈恩永申感慕而朕終天罔極之忱雖不能仰副萬一庶幾藉
茲稍展其如何輪派年分著戶部卽速悉心核奏遵行欽此
乾隆四十四年十月初一日內閣奉

上諭朕明春巡幸江浙所有供宿頓次皆出自帑項絲毫不以
累民第扈從官兵以及外省接駕人等輻輳雲集經過地方
米糧價值恐一時或致騰踴著照從前之例於江浙二省冬
兌漕糧內各截留十萬石在水陸駐蹕地方分廠平糶卽令
漕運總督及該督撫妥協辦理該部卽遵諭行欽此

乾隆四十五年二月初五日奉

上諭朕因東南黎庶望幸甚殷爰舉舊章五巡江浙茲當入疆
伊始慶澤宜敷所有江南浙江水陸經過地方本年應徵地
丁錢糧俱著加恩蠲免十分之三該部卽遵諭行欽此

乾隆四十九年二月十六日奉

上諭朕因江南士庶籲幸情殷且河工海塘以次告竣一切善
後機宜均須親臨指示爰循舊典六巡江浙茲當入疆伊始

慶澤宜覃所有江南浙江水陸經過地方本年應徵地丁錢糧俱著加恩蠲免十分之三該部卽遵諭行欽此

是年三月十二日奉

上諭朕翠華蒞浙愷澤覃敷前已降旨將經過地方本年額賦蠲免十分之三並省城駐蹕之仁和錢塘二縣本年應徵地丁概予豁免今入疆伊始周諮民隱再沛恩綸所有杭州嘉興湖州三府屬本年應徵地丁錢糧共一百九萬餘兩著再加恩普免十分之三俾近光黎庶益享盈寧以副朕省方問俗施惠閭閻有加無已之至意欽此

乾隆五十年十月初十日奉

嘉興府志

卷二十三

蠲卹一

三

上諭福崧奏仁和等十七州縣並杭嚴嘉湖二衛田畝歉收請將應徵漕米錢糧等項分別緩徵等語本年浙西一帶雨澤愆期田禾間有被旱之處收成不無歉薄民力未免拮据所有仁和錢塘海寧餘杭臨安嘉興秀水海鹽於潛石門桐鄉烏程歸安長興德清武康安吉等十七州縣並杭嚴嘉湖二衛歉收田畝應徵地漕錢糧著加恩緩至五十一年麥熟後徵收其漕米及新舊漕截等銀亦著緩至次年秋成後徵收帶運以紓民力該部卽遵諭行欽此

乾隆五十一年正月初三日奉

上諭上年浙西杭嘉湖三府屬之仁和等十七州縣並杭嚴嘉

湖二衛得雨較遲收成歉薄業經降旨將應徵地丁漕項銀米緩至次年分別帶徵以紓民力第念今春東作方與農民播種翻犁未免尙形拮据著再加恩將杭嘉湖三府屬之仁和錢塘海寧餘杭臨安於潛嘉興秀水海鹽石門桐鄉烏程歸安長興德清武康安吉等十七州縣並杭嚴嘉湖二衛再行緩至秋收後按例徵收並查明實在貧民酌借日糧籽種以資接濟該撫務董飭所屬實力奉行使茅簷蔀屋均沾實惠以副朕軫念黎元普錫春祺之至意該部卽遵諭行欽此

乾隆五十五年正月初一日奉

上諭朕賴

嘉興府志

卷二十三

蠲卹一

三

昊蒼眷佑旣逾古稀欣開八袞幸得小康時懷大惕自乾隆十年以迄四十二年特沛恩綸普免天下錢糧業經三次矣今年歲屆朕八旬壽辰仰荷

天祖昭庥率土稱慶以致梯航重譯祝嘏來廷從古史牒實所罕覩是宜廣宣湛澗敷錫兆民普叶崇禱以荅

嘉貺著將乾隆五十五年各直省應徵錢糧通行蠲免其如何按年輪蠲之處著大學士會同戶部卽速核奏遵行欽此

乾隆五十九年八月十五日內閣奉

上諭朕臨御天下五十九年仰蒙

昊蒼眷佑

列聖貽庥薄海昇平梯航向化重熙累洽惟日孜孜無時不以敬

天勤民爲念行慶施惠錫祐延禧普免漕糧二次地丁錢糧四次而偶遇水旱偏裨隨時蠲租賜復賑貸兼施不惜帑項數千萬兩所以涵養生息子愛黎元至周且渥茲紹膺統緒明歲正屆六十年朕春秋二十五卽位誕膺大寶迄今八旬開四康強逢吉五代同堂景運增隆寰瀛寧謐享國之年幸遇甲子壽祚延洪實爲古今罕覩之盛事此皆上蒙

昊貺駢蕃克膺備福覃敷恩澤加惠閭閻俾海寓子民共臻樂利所有六十年各省應徵漕糧著再加恩普免一次其應如嘉興府志

卷二十三

蠲卹一

三

何分年輪免之處仍著該部核議具奏

是年十二月初三日奉

上諭前因六十年乙卯元旦日食上元月食雖薄蝕躔度可以預行推測但稽古史傳所載遇有日食月食等事往往下詔求言以示脩省朕思

上天垂象固宜戒慎而應天以實不以文與其託諸空言孰若施諸實政前已降旨普免天下應徵漕糧俾海宇子民共臻樂利今思各省尚有節年民欠及因災帶緩未完銀穀俱應按限徵輸者小民究因官欠未清未得遂其含哺之樂朕仰邀

吳眷在位六十年寰宇寧謐景運增隆丙辰年卽屆歸政今若於朕臨御之年覃敷恩賚俾小民節年欠項廓然一清得以戶慶盈寧其游化宇以副朕子惠黎元敷錫延禧俾普天羣黎無一負欠者莫大于是該部卽遵諭行欽此

乾隆六十年二月十五日內閣奉

上諭前經降旨普免天下積欠錢糧令各督撫查明具奏茲據吉慶將浙江省節年民欠及因災緩帶地丁漕糧正耗并蠲免補徵耗羨及漕截動墊補徵未完各數開單呈覽所有浙江省節年民欠因災緩帶並蠲免補徵耗羨等銀二十五萬二千一百九十五兩零南糧米二千一百十四石零因災緩

嘉興府志

卷二十三

蠲卹一

三

徵漕糧正耗米四千一百二十七石零又乾隆五十八年分應補徵寧波台州衢州嚴州處州五府屬輸免地丁耗羨未完銀四萬三千二百餘兩五十六七兩年分應徵還嘉興湖州二府屬道庫動墊漕截未完銀八萬四百餘兩五十八年分應徵還杭州嘉興湖州三府屬道庫動墊漕截未完銀十八萬三千四百餘兩通共浙省未完銀五十五萬九千一百九十五兩零未完米六千三百四十一石零俱著加恩豁免以示朕普錫春祺恩施無已至意欽此

是年十月初八日內閣奉

上諭朕自臨御以來勤求民隱日有孜孜惟期藏富于民家給

人足仰荷

昊蒼眷佑

列祖貽庥寰宇昇平重熙累洽行慶施恩闔澤頻加節經普免天下漕糧三次地丁錢糧四次其餘遇有偏災隨時蠲賑不下千萬億兩近將各省積欠錢糧概行蠲免又復數千萬兩所以子惠元元休養生息者至周且渥今朕紀年慶符週甲丙辰元旦舉行歸政典禮爲嗣皇帝登極初元大廷授受篤祐延慶實爲曠古吉祥盛事允宜廣沛恩綸俾薄海羣黎共沾湛愷本欲于新正傳位後降旨但恐二月間卽當開徵之期恐遠省接奉稍遲著卽將嘉慶元年各直省應徵地丁錢糧通行蠲免以示朕與嗣皇帝愛育閭閻同錫恩施至意其如何按年蠲免之處著交部查明照例核議具奏欽此欽遵
嘉慶四年十一月十九日內閣奉
上諭現屆長至

嘉興府志

卷二十三

蠲卹一

三

園丘大祀

高宗純皇帝

升醮禮成後自應仰推

皇考恩慈用敷惠闔因乾隆六十年以前各省積欠緩徵地丁耗羨及民欠籽種口糧漕糧銀兩并積欠緩徵民借米穀草束等項現在應徵者尙復不少著該部通行各省詳悉查明

將以上各款自乾隆六十年以前普行豁免俾寰宇羣黎同
霑

遺澤於乾隆年間逋欠銀米等項永免追呼用仰副
皇考六十年子惠元元至意卽將此二條入於
升配恩詔款內欽此

嘉興府志卷二十三

嘉興府志

卷二十三

蠲卹一

三